



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 88. Ejusdem Pontificis gesta in Pontificatu.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

poris momento plerumque solus & sibi Sæc. XVII. A. C. 1667.
 plane, suisque curis relictus, in pœ-
 nitudine delictorum, & præteritæ æta-
 tis accusatione sese ad supremam lucram
 accingebat; tandem vero post diutur-
 nos, acerbissimosque dolores invicta
 Christiani animi fortitudine toleratos
 die vigesima secunda Maji placidissime
 obdormivit in Domino, anno ætatis
 suæ sexagesimo octavo, Pontificatus
 vero duodecimo cum unico Mense, &
 quindecim diebus.

§. LXXXVIII.

*Ejusdem Pontificis gesta in Pon-
 tificatu.*

Sub ipsa Pontificatus auspicia Alexan- Palat. in
 der VII. jamjam gravissimis undique vita Ale-
 rerum angustiis premebatur, ac sæpe xandri VII.
 innumeras tam ardui muneris curas
 dolebat, mæstoque prioris vitæ deside-
 rio, & recordatione, præsentem, mi-
 seramque servitutem sub amplissimi ho-
 noris specie impositam deplorabat: ni-
 hilominus virtute ex alto roboratus,
 cuncta adversa invicto animo exceptit,
 atque impigro labore & prudentia su-
 peravit: Afflictabatur Romana Urbs
 fame ac pestilentia, quæ tamen mala
 providus ac liberalis Prens humanis,
 Divinisque remediis & copiosa annona

Sæc. XVII. a remotis etiam Batavis coempta de
 A C 1667. pulit: Inclaruit singulari religionem
 Catholicam propagandi studio, necnon
 profusa liberalitate, qua Christianis
 Principibus contra orthodoxæ fidei
 hostes pugnantibus pecuniam, copias
 & classes subministravit, præcipue Ca-
 lolo Emanueli Sabaudix Ducis adver-
 sus Calvinistas Vallium Alpinarum in-
 colas bellum gerenti, Regi Poloniae
 armis Suecorum pene oppresso, Regi
 Hungariæ a Turcis infestato, Catho-
 licis in Helvetia per Tigurinos & Ber-
 nates hæreticos dire vexatis, necnon
 Venetæ Reipublicæ, quam in Creten-
 Insula a Turcis diuturno bello pressam
 classibus, & pecuniarum militumque
 suppetiis adjuvit, atque ad parem libe-
 ralitatem Cardinales & Principes Chri-
 stianos incitavit. Ceterum, cum in
 vestitu omnique alio proprii corporis
 cultu munditiem & decorum, non ven-
 affluentiam aut pompam quæreret, in
 exornanda tamen Romana urbe, & re-
 staurandis Ecclesiis ingentes profudit
 thesauros; præprimis enim Pantheon
 clarissimum illud veteris Romæ Tem-
 plum insigni porticu, & raræ magni-
 tudinis columnis exornavit, Divi quo-
 que Petri Cathedram a quatuor Eccle-
 siæ Doctoribus suffultam ex ære deauratam
 in aspide Templi Vaticani constituit,
 nec

necnon constructis navibus portum Cen-
tum cellarum restauravit, sacras ædes
B. V. Mariæ de Populo, de Pace, B.
Mariæ Assumptæ, & B. Mariæ gratia-
rum, necnon Monasterium Monialium
de refugio, pluresque alias sacras ædes
vel recens erexit, vel augultiores red-
didit: Palatium quoque Castri Gan-
dulfii, & Archigymnasium Romanum
locupletissima Bibliotheca auxit, & ad
regiam pene magnificentiam perduxit,
denique Officinam monetariam, alia-
que ædificia Romanæ antiquitatis ac
pompæ æmula construxit. Erat hic
Pontifex sane literarum, & omnigenæ
eruditionis ornamentum longe maxi-
mum, in pervestigandis antiquitatum
monumentis solertissimus, & in vete-
rum manuscriptorum Codicum lectione
adeo versatus, ut quoscunque barbaro
etiam atque exoleto caractere exaratos
prompte penetraret, & feliciter asse-
queretur, atque ex his plura ad il-
lustrandam obscuriorum temporum eru-
ditionem assiduo non minus ac proficuo
labore colligeret, quæ etiamnum præ-
ter ipsius poemata, aliosque Codices
notis a se illustratos Romæ asservan-
tur. Literatos quoque singulari æsti-
matione & affectu præcipuo complexus,
Romæ Collegium instituere decreverat
Virorum ingenio & scientiæ fama in-

Sæc. XVII.
A. C. 1667.

Sæc. XVII. clytorum, qui ex omnibus Christiani
 A. C. 1667. Orbis Provinciis accersiti, suis lucubrati-
 onibus fidei dogmata tutarentur, &
 Sedis Apostolicæ hostes, eorumque
 molimina retunderent. Præclarum ta-
 men hoc opus exequi præpediebatur
 exorto Romæ dissidio cum Cregorio
 Franciæ Oratore, cujus jam supra me-
 minimus. Talis tantusque Pontifex,
 quem nequidem Coburgenses Acade-
 mici consuetis suis vituperiis laceßere
 audebant, Hübneri tamen lividos de-
 tes effugere haud poterat, qui illum
 triplicis voti, quo tamen Alexandrum
 se obstrinxisse, præter hunc maledicum,
 nullus memorat transgressorem cri-
 minatur: solus Joannes Baptista Nau-
 privato in Alexandrum odio incensus,
 illum carpit, quod otiosis studiis, & ve-
 nis ædificiis intentus, Principum necessitates
 & populi miseras neglexerit, suosque
 Nepotes ultra modum locupletans, atque
 inutilia ædificia erigens, inter gravissimas
 calamitates & vexationes Pontificias ditio-
 nes ad inopiam redegerit, eapropter a Prin-
 cipibus ob Regiminis sui labes vilipensus de-
 cesserit. & populus eidem insensus, post
 ejus obitum fratris sui familiam injuriis
 cumularit. Hæc vero censura sat super-
 que confutatur encomio Joannis Trö-
 steri A catholici, testantis, quod Alex-
 xander VII. suis virtutibus tam a Romana
 Eccle-

*Ecclesia, quam ab exteris potentiis immor- Sæc. XVII.
tale sibi compararit nomen. A. C. 1667.*

§. LXXXIX.

*Julius Rospilosus Cardinalis in Pa-
pam electus & Clemens IX.
appellatus.*

Mortuo Alexandro VII. eique novem- *Ciac. in vita
dialibus exequiis de more perso- Clem. IX.*
lutis, Cardinales numero sexaginta
quatuor, non nisi quatuor absentibus,
Vaticana comitia die secunda Junii in-
gressi sunt: Vix ullum memoratur con-
clave, in quo major esset suffragantium
unio, & ferme nulla adversantium factio;
adeo enim spectatam omni occasione
virtutem, prudentiam, regiamque celsi
animi magnitudinem præ ceteris præ-
ferebat Julius Rospilosus Cardinalis,
ut ad primam Decii Azolini proposi-
tionem ceteri ferme omnes Purpurati
in solum Julium conspirarent. Ejus
electionem paulisper retardabat diu-
turna ac periculosa corporis infirmitas,
a qua cum nondum plene convaluisset,
ac pedum usu destitutus esset, in ean-
dem brevi ægritudinem relapsurus ti-
mebatur, nimis etiam præfestinus in-
certo auctore per urbem rumor volita-
bat, omnia Patrum suffragia in Julium
conspirasse; inde enim quorundam

Q 5

acue-